

Probas libres de obtención do título de Graduado en ESO para maiores de 18 anos en Galicia no 2019

A Consellería de Educación convocou as Probas de obtención do **Título de Graduado en Educación Secundaria Obrigatoria** para maiores de 18 anos no 2019, nas convocatorias de maio e setembro.

- RESOLUCIÓN do 15 de xaneiro de 2019, da Dirección Xeral de Educación, Formación Profesional e Innovación Educativa, pola que se convocan as probas para a obtención do título de graduado en educación secundaria obrigatoria para maiores de dezoito anos nas convocatorias de maio e setembro, e se ditan instrucións para a súa realización. (DOG 24/01/2019)



DATAS PARA A MATRÍCULA:

- Convocatoria de maio: **do 11 ao 22 de marzo de 2019**, ambos os dous incluídos.
- Convocatoria de setembro: **do 1 ao 8 de xullo de 2019**, ambos os dous incluídos.

As persoas matriculadas para a primeira convocatoria, se non superan a totalidade dos ámbitos da proba, consideraranse matriculadas para a segunda convocatoria sen que teñan que presentar nova documentación.

DATAS DOS EXAMES:

- Convocatoria de maio: **24 de maio de 2019**
 - Convocatoria de setembro: **6 de setembro de 2019**
- En sesión de mañá e tarde

REQUISITOS PARA PRESENTARSE Á PROBA:

Poderán participar nestas probas as persoas que cumpran os seguintes requisitos:

1. Ter cumpridos os dezoito anos o día anterior á data de realización da proba.
2. Non estaren en posesión do título de graduado en educación secundaria.
3. Non estaren nin teren estado matriculadas no curso 2018/19 nas ensinanzas de educación secundaria ordinaria nin nas de formación profesional básica.
4. O alumnado matriculado durante o curso 2018/19 na educación secundaria para persoas adultas poderá inscribirse nas probas se previamente cumpre as seguintes condicións:
 - 4.1. Para acudir á primeira convocatoria, o alumnado ten que solicitar a baixa nas

ensinanzas do segundo cuadrimestre. Así mesmo, as persoas con ámbitos do primeiro cuadrimestre sen superar deberán renunciar á avaliación extraordinaria deses ámbitos.

4.2. Para inscribirse na segunda convocatoria, o alumnado con ámbitos suspensos no segundo cuadrimestre ten que renunciar á avaliación extraordinaria deses ámbitos.

LUGARES PARA A MATRÍCULA: Ver resolución.

DOCUMENTACIÓN PARA A MATRÍCULA: Ver resolución.

PERSOAS CON NECESIDADES EDUCATIVAS ESPECIAIS:

As persoas con necesidades educativas especiais asociadas a condicións persoais de discapacidade **que teñan a declaración legal de discapacidade** poderán solicitar a adaptación da proba, así como recursos adicionais para a desenvolver.

MATERIAS DA PROBA:

Proba de ámbito científico-tecnolóxico, que inclúe exercicios das materias de:

- Matemáticas
- Bioloxía e Xeoloxía
- Física e Química
- Tecnoloxía
- Aspectos relacionados coa saúde e o medio natural recollidos no currículo de Educación Física.

Proba de ámbito social, que inclúe exercicios das materias de:

- Xeografía e Historia
- Economía
- Iniciación á Actividade Emprendedora Empresarial
- Aspectos perceptivos correspondentes ás materias de Educación Plástica e Visual, e Música.

Proba de ámbito da comunicación, que comprenderá os exercicios de:

a) Lingua Galega e Literatura.

- Exercicio de redacción. Na valoración da redacción, terase en conta o xeito de estruturar os datos e os feitos, a coherencia da exposición, o vocabulario empregado, o dominio da ortografía e a presentación do escrito.
- Cuestións de Lingua Galega e Literatura.

b) Lingua Castelá e Literatura.

- Exercicio de redacción. Realízase conforme ao disposto no punto a.1 para a Lingua Galega e Literatura.
- Cuestións de Lingua Castelá e Literatura.

c) Lingua Estranxeira (inglés ou francés).

EXENCIÓN DE LINGUA GALEGA:

Durante o período de inscrición as persoas que acrediten a súa procedencia doutra comunidade autónoma ou dun país estranxeiro, poderán solicitar ó Director/a do centro onde realicen a inscrición a solicitude de exención para non seren avaliados nesa proba. O Director/a resolve a concesión ou denegación de dita exención.

